

真陽初見直論有五龍之名責我曰古謂仙機必不書於紙筆五龍祕機祕而又祕安敢書於紙筆乎予曰師已肯形于筆我何必不肯其所筆乎雖有五龍虛名似亦不妨代爲口授普開來學而凡大仙行仙佛最上上乘妙道者只此是聖凡分路他如縱說能修有證非此一法無以透關而脫凡證聖也唯其爲至要至祕之機不得不露一句令後學聖真有仙道福分者知所參求知所信奉凡有志於仙佛者俱不得輕忽此言背此不求者雖修萬劫終難逃其六道可不思之爲急務耶問曰玄帝之喻五龍有法象可證者人可易信

法象者卽武當之捨身崖及五龍捧聖等之說便是有據

道藏輯要

仙佛合宗語錄

卷一

畢集一

今以蘆芽穿膝爲佛說五龍之喻以折蘆渡江爲達摩說五龍之喻但我尙似凡夫之見同於信心不及不知何所證據而可令人必信不疑乎答曰昔王重陽真人云蘆芽穿膝上下河車搬精補腦水火雙行等語已先指示在世流通亦詳道藏中久矣又西竺經目有所謂五龍經其曰無字經三十二卷有字經二十卷豈虛名哉卽三藏來東五千四十八卷內二十五部大經之一觀其名則有義在若無據而說則爲幻說無授而言則爲妄言旣非幻妄後學甯可疑而不知參究之哉六問曰如何是養胎如何是胎成答曰養胎者煉炁化神之喻非實有胎也

太上靈寶大乘妙法蓮花真經云清靜之義天尊言專養精神不爲物雜謂之清反神伏氣安而不動謂之靜卽此也又問旣無胎何云養又答似胎之理故借喻以言其似也以鍊炁之初本要似胎中之無呼吸者而又不能無呼吸

習入定而求至無不能頓然全定全無此仙佛聖真初習禪定自然必由之漸法也

若胎孕之將產時也

人胎十月滿足將生之時呼吸全有故初習定似之生滅之相尙在

心起一妄念思想平日舊習便是有了一生相又起一念滅

道藏輯要

仙佛合宗語錄

卷

畢集一

妄便是有一滅相如安國師讀楞嚴經四句偈云知見立之說卽所以爲生滅凡習定之初求無相而不能頓無云尙在者生滅不能滅已盡之說也

出入之迹猶存

生滅者心也出入者息也心有生滅則無以攝息其息焉能不浩浩然爲出入懷胎者必存神以攝氣存氣以留神乃可得神在胎中

名二乘亦名曰如來以有來故名如來又謂之如理而來如理而去

來去卽是出入之義習定之理

故華嚴經云如來大仙道微妙難可知燃燈佛又言諸行無常是生滅法皆謂此也入涅槃而未實証世尊謂之有餘涅槃由此而漸趨者也猶稱爲漸法卽此法此理而仙聖喻之曰養胎也

胎息法云心定則神凝炁往而胎長矣胎之長由于息之往無息則不胎無胎則不息卽此是也

其終成也

胎息論云動念則泄炁故胎息不成如何得道

無呼吸而滅盡定矣若人世男女始媾之時祇二氣合一而未成胎渾然無物也生滅之相滅已

道藏輯要

仙佛合宗語錄

卒川人畢集一

真實用四禪許多定力而後得生滅滅已卽六祖盧能所謂禪心無想禪性無生是也

出入之迹寂滅

鼻息無出入之迹得證滅盡定矣

心爲不生不滅之心身爲不生不死之身

此時神形已俱入妙六祖盧能亦謂心是地性是王王居心地上性在身心存性去身心壞是也

從此一得頓然直與虛空同

張紫陽云覺此身如在虛空常至如此則禪定也

故仙聖喻之曰胎成也世尊佛謂之無餘涅槃

無餘者無有不入寂滅之心與息也
而後脫胎出神

出神是定性成而出定世尊謂之如來出現
所以楞嚴經云既遊道胎

同仙家懷胎之喻

親奉覺膺如胎已成人相不缺

喻定成神全而性妙靈覺

身心合成日益增長又曰形成出胎親為佛子是也

胎息養得神全而純陽仙家出陽神稱曰神仙佛言得大定
而出定稱之曰佛即此說之同者

道藏輯要

仙佛合宗語錄

卷一 畢集一

燃燈佛所謂生滅滅已寂滅為樂正謂此也過此向上則為真
圓頓門矣不隨天地同壞者

史太素胡太真問曰仙家人修到出陽神佛家人修到出定
似亦圓成了矣今乃曰過此向上為真圓頓門我不知出神
出定後更有向上我亦不知仙佛為如何圓頓我聞自佛法
入中國至于今上下千古人人皆說凡夫發心修行時便頓
然了了為頓門今言出神出定過了後方名頓然則眾言皆
非與答曰果非也尤可笑彼凡愚漸且不知誑言知頓竟不
知如何為頓冒認為知頓能頓以自妄為尊大實竊據衣食
財利之寶而亦更不肯悟華嚴經所謂如來始成正覺在寂

滅場現虛舍那身說圓滿修多羅名爲頓教之說今之一切凡夫俗子皆未到寂滅場安可妄稱我自頓教頓門此是未得爲得人魔道而不省悟者又何不解圓覺經所云如來境界漸進至於佛地名頓教大乘頓機從此開悟之說所以不知七地菩薩上至八地成佛尙要加持修上至九地十地十一地等覺而後竟道始圓滿正爲真頓教也蓋初修行時用功行以至七地而功行止了矣八地以上則無功行乃不可言修言証此時若強加功則是同于退席者之知見若未到七地而誤不用功行則是斷見空亡外道之知見後學皆犯此卽墮入此魔坑矣汝當自詳之能如是說則同佛說不如

道藏輯要

仙佛合宗語錄

卷

八
畢集一

是說則同魔說不可頓爲仙佛但可頓入魔界獄矣

夫旣喻之曰胎宜若有似於胎矣雖曰似胎而實非胎也何也生人之理胎嬰在腹修仙之理胎神在心世人但聞胎之名而遂謂腹中實有一嬰兒出而爲身外身者此又可咲其愚癡之甚也有志修仙佛者不可不以此破疑而自啟其迷又問古人皆言身外有身伯師今日獨言非身外有身何也答曰人性至虛至靈無形無體無論動出靜入本然皆無形體我今不過以得定之性出定而爲神通亦只虛空無形體

洞玄靈寶諸天世界造化經云得道者與虛空合體無盡者也

非拘拘於身外有身形也若欲顯身令人見之身外便能了身
一身多身百身千身萬億身皆能變化無窮

初出定之神現身亦少乳哺神旺方可變化百千萬億多身
如此者是因陽精陽炁歸元還虛所能也古仙遂卽所能然者
爲鼓舞人趨向決烈之志如佛之善巧方便化人豈拘拘以身
外身爲言哉昔洞靈神鑿書云念動意動處處出神念停意停
處處歸真先我言之者亦如是

七問曰如何得成陽神抑何以出答曰先天元精謂之眞陽得
此眞陽而煉性通神入定而出定謂之陽神不得眞陽之精配
合性眞以入定得定者只名陰神

道藏輯要

仙佛合宗語

卷三

畢集一
X83

陽神者顯然出現變化莫測世人所不能見知者而能見知
之世人所不能爲者而能爲之世所無者而能有之有者而
能無之人人共見此神通之能顯于陽世者曰陽神若不能
以身形顯現於陽世則人不能爲者亦不能爲世所無者不
能使之有有者不能使之無無陽剛之炁故也僅僅能先知
先見勝于人而已亦只能陰陰暗現于世故曰陰神全與陽
神相反故不及其神通所以得成陽神者由元精眞陽也蓋
元精是無形質之陽氣能化補其炁能助胎養其神乃成金
丹成仙道顯神通變化之眞物故曰眞陽曰陽神若炁非眞
無形便是陽不眞爲陰濁無虛靈之變化縱陽神到空只是

陰神既無陽炁之因故不成陽神之果

所以王重陽真人門下孫不二元君云偏執性爲宗如何出陽神十個九個墮頑空若得命基帶了性

命基者卽真陽元精也

白麵做燒餅有準又長春仙祖門下徐復陽真人云未煉還丹切莫內觀照恐出陰神投舍迷真道是也

還丹者機有將動之元精用還返之法化炁成丹丹成則以之養神入定內觀照之化陽神內觀照者觀照此炁還之丹也若未得還丹內無所觀照強欲觀照乃無着落必墮空亡死境故曰恐出陰神陰神者死而性靈之鬼也投舍者此身形氣已死不能存住此性故又投胎生身爲居舍迷真道者迷失長生不死之陽神道

若止習枯禪當下了得

卽行內觀照之法而萬緣不掛

息無出入

息禪定而滅盡定也

心不生滅

心禪定而滅盡定也故皇經集註云心生則地獄生心滅則地獄滅

到真空境界方能出得個陰神

道藏輯要

仙佛合宗語

奇

畢集一
三十一

必要心息俱到真空方出得陰神故長春真人云未到真空
難陰神亦出不得可見陰神亦非容易出的

猶是有生死在不免輪迴者之小果耳

有死則有生不能長生則有死有死生即是輪迴入地獄餓
鬼畜生三惡道同是輪迴雖生于人生于天亦是輪迴故曰
不免

所以四果之徒有生天生人之階者以此天福盡而還墮

皇經集註云豈知積福生天福盡猶不免復墮

故我祖先虎皮座張真人謂之說花兒不結果者言不及陽神
之實證果也

道藏輯要

仙佛合宗語錄

卷五

畢集一

初李虛菴真人得山東劉寶珠內觀照之法遂內觀照至七
七日即有慧光發現隔城牆能見人所為城牆如琉璃透徹
明亮自謂一心息相依而得此妙證此果及出靜室依舊是
凡夫無能見故張真人云說花兒不結果

夫陰神出而亦有慧光發現洞見百千萬里如在掌中

此亦有天眼通之微意

房舍牆壁不足為隔礙山河城郭不足為阻闕我形在此而慧
光亦在此惺惺靈照而洞見遠視之為妙也非離此而逐諸境
也不如是即昏夢中之魔境而誑語人為陰神者也於此著之
即入魔道矣

楞嚴經云若大妄語卽三摩地不得清淨成愛見魔失如來種所謂未得謂得未証謂證如窮人妄號帝王

豈知真陰神者耶又有一等人似戲似誑言曰我能出陰神明明出于街市而往返焉而人遂敬信之

陰神之慧光亦能普照無所不見無障不徹豈但只見街市而往返行之街市兩旁之房舍便隔礙不能徹見耶若果如此是春夢非陰神也若再強誇得此陰神便是誑語有心以欺世者非正人君子之言也洞玄靈寶之所禁楞嚴四律儀之深戒學者自慎之犯在洞玄則得女青律風刀之考犯在梵網則招酈都山拔舌之愆若不慎則此罪有準

道藏輯要

仙佛合宗語錄

卷

三

畢集一

彼見人敬信而益誇其能出陰神此又可恥其無恥之甚也若真陰神者有神通矣亦止有神境通

神通變化無窮也

宿命通

知自身前世人後世事及見他人過去未來事

他心通

知他人心上陰謀之事

天耳通

徧天之下人與物之聲音言語俱可遠聽而知

天眼通

見徧天下人與物有形無形可盡一見而知絕無有障隔者能六通之五耳

仙佛陽神皆有六通此偏于一性靈者只有五通世稱五通爲鬼者正此類也

世間每有五通鬼侵淫女人者蓋由少此一通不能除陽精之漏不得漏盡通也陽漏至枯竭則死而至於爲陰鬼必然之理也故生死者皆非仙非佛太霄琅書云太極大法師曰五通尙在三界未爲仙也夫仙道無不無有不有能覺有無之間於其際而無際乃能超三界

今時自稱誑人曰能出陰神者果能五通與不知所少於陽神者乃漏盡通不與也

道藏輯要

仙佛合宗語錄

卷

八

畢集一

陽精無漏則成漏盡通此通一成卽得長生不死爲天仙諸真佛世尊之基若精漏不住不得此通則不長生而不死凡有死則有生死不斷有輪迴六道相續世之愚人不知有死者必有輪迴盡信誑言欺哄反求死者正投入輪迴的門路不得脫離妄誇如是爲證佛當其現在生有人身時愚不知懼尙不知求不死不輪迴乃至橫生異類性愈迷惑愈不知求不死不輪迴不知釋迦真佛皆能漏盡通而後能長生不死不輪迴者雖曰愚不足教我願後來人見此一辨少有所悟而知求學不死不輪迴唯人自信自勉之可也○無上內

秘真藏經云法無二念當知三界之中有漏眾生無方便慧終無悟解

佛教中言阿私陀山迦旃延等得四禪五神通所少於佛者卽漏盡通正是淫欲未淨而陽精之漏未除只成陰神

陰神者無陽精之所證也陽精無漏則無死有漏則有死死則爲陰鬼故儒者亦云鬼者陰之靈元始九老真經云人不保生神炁不全流爲下鬼是也

其天眼天耳二通能見能聞天之下不能見聞色界以上天者卽是無真精之陽炁不合純陽之天體陰性不能達天之陽中故也

道藏輯要

仙佛合宗語錄

卷

二

畢集一

三皇玉訣云陽者天道故神炁合道乃神仙

若天仙之道煉精得陽精

陽精無得則不長生因長生無根卽天仙無基故經中已說精爲長生根真得者是知藥生之時真知藥生之地亦真知採藥之時煉藥之時皆真唯知如是皆真故能得真陽精有一不真則不得况邪淫門之全不真者與陰神門不求知真者何亦癡望修成仙佛耶

煉炁陽炁化

二炁煉到真寂定則真化 無了生死若炁不到化盡猶是色界之眾生

頓悟直證陽神

精盡化炁炁盡化神則炁極定神極通皆決烈精進煉精煉炁方能修到得此證者

乃陰陽二者合一之道者也

陰陽合一者乃神炁合一以爲工炁寂滅而神靜定亦合一之爲證果

入而靜則神同太虛而爲性體

入者入而住于常定也神已同於太虛卽常靜定于太虛此正性體圓明之實相無法界可拘無世界可染唯得成陽神已出陽神之後者能如此非若未成陽神者之必依胎息法

道藏輯要

仙佛合宗語錄

堯 畢集一

而後能趨太虛

出而顯則通天徹地而爲神通

出者出神于身外而顯神通凡陽神出殼則無重濁者無窒礙者已定色界禪定之功超出色界之上矣此以前有功用行而有爲之功已歸于無矣此以後是已成仙佛之正果無功用行時無爲而至于無無者也通天者上通欲色二界二十四天之上卽世尊佛出白毫光上照阿迦尼吒天是也此卽天眼通之所見其天耳之通亦能聽至于此天徹地者可見二十四地獄及所謂十八地獄八大地獄等處皆能見之而亦能聞彼之所語卽世尊佛出白毫光下照十八地獄是

也通與徹言神能至能見能聞無隔礙也

千變萬化眼見宇宙

上下四方曰宇卽前所言欲色二界天及地獄等處神境通之所能見也古往今來曰宙卽過去未來之事此宿命通之所能見者也

手幹乾坤

幹者移轉之義天地之形有不便於人者能損益之天地之化有不利於人者能轉移之如漢欒巴在朝噴酒一口化大雨而遠救成都之火災如唐一行禪師以袋囊七豕而在天之北斗藏形蓋由斗姥者是豕形身也如丘長春真人在燕

道藏輯要

仙佛合宗語錄

百 畢集一

京住天長觀值熒惑火星犯尾箕宿屬燕京之分野將災全城百官請真人禱之本夜星退數舍如大明初銖冠道人張景和助太祖皇帝平陳友諒南風之天舟後使北風送舟而逆上蘄黃也如虎皮座張真人謂李虛菴曰汝傳道及於非人汝大數及盡但北斗中有本命星君注生死我爲汝指而勅之添壽一紀十二年以便精修見其星雖形如小豆能化大如五尺圍湧如浪沸白毫光燦爛旣而漸復小形此仙家之演斗法也如李虛菴真人在廬江縣家中時苦旱農不下種應眾請禱塗墨于掌以蔽日黑雲隨手掩日而澍雨救本縣及鄰封六邑之災此皆幹乾坤之顯案也

是為真陽神也真陽神即真空性體也

王玉陽真人云一悟真空總了仙

故王重陽真人云靈性分明作大仙是也不能見性則不得真空

見性者性中原是寂靜絕無生滅的人能修心到大定而常在定便見性體此正到仙佛地位者于清風真人云不到真空陽神難出譚真人水雲集云今生若要登雲路不合虛無不得仙

不成陽神

見性真空即六祖所謂若修不動時同無情不動方是成陽

道藏輯要

仙佛合宗語錄

五 畢集一

神

不到見性真空實地必不能出陽神也

修到見性此性出定即為陽神顯神通若未修見性成佛即是未成陽神故不能出陽神若性有妄出乃是外馳之病無定力也

又問曰若何知是真空實地出陽神之時答曰性合虛空而不神用

元始先天道德經云妙法無因妙境無緣又禪宗六祖云禪心無想禪性無生

一緣不染一塵不動絕無出入生滅